






Ex Martini


2011


10/100 =


1101/9.


Chris. Roll 33











Reductione 7.

BVLLA
REDVCTIONIS CE
NERALIS CONCILII AD CIVITA

tem Tridentinam cū monitione, & requi

sitione Prælatorum, ad illius profes

sitionē, p. S. D. N. D. IV LIV M

III. PONT. MAX.



ROMAE. M. D. L I.

BVLLA

IULIVS EPISCO.
SERVVS SERVORVM DEI AD FVTV
ram Rei memoriam. CVM ad tollenda religionis no
stræ dissidia, quæ in Germania longo tempore non si
ne totius Christiani orbis perturbatiōe & scandalo
vigerunt: bonum, opportunum, & expediens esse
videatur (sicuti etiā charissimus in Christo filius no
ster Carolus Romanorum Imperator semper Augu
stus, nobis per suas literas & nuncios significari fecit)
vt sacrum ecumenicum generale Concilium per fe
re. Paulum Papam III. prædecessorem nostrū indi
ctum, & per nos tunc Cardinalatus honore fungētes,
atq; ipsius prædecessoris nomine, vnā cum duobus
aliis Sanctæ Romanæ Ecclesiæ Cardinalibus ipsi Con
cilio præsidentes, inceptum, ordinatum, & continuat
um (in quo plures publicæ & solēnes habitæ fuerūt
sessiones, plurāq; tam in causa fidei, quā reformatio
nis promulgata decreta, multāq; etiā ad vtrāq; cau
sam pertinentia examinata & discussa) ad Ciuitatem
Tridentinam reducat. Nos, ad quos & summos pro
tempore Pontifices spectat generalia Concilia indice

re & dirigere, vt Ecclesiæ pacem, & Christianæ Fidei
atq; orthodoxæ religionis incrementum ad omnipo-
tentis Dei laudem & gloriam procuremus, & quantū
in nobis est, tranquillitati ipsius Germaniæ (quæ sanè
prouincia retroactis temporibus in vera religione, ac
sacrorum Conciliorum, & sanctorum Patrum doctri-
na excolenda, exhibendâq; maximis Pontificibus Chri-
sti Redemptoris nostri in terra Vicariis debita obedi-
entia & reuerentia, nulli Christianorum prouinciæ
fuit vnquam secunda) paternè consulamus, sperantes
per ipsius Dei gratiâ & benignitatem futurum, vt Re-
ges omnes ac Principes Christiani, iustis, pijsq; no-
stris in hac re votis annuant, faueant, atq; assistant:
Venerabiles fratres Patriarchas, Archiepiscopos, Epis-
copos, & dilectos filios Abbates, omnesq; alios & sin-
gulos, qui de iure vel consuetudine vel priuilegio Cō-
ciliis generalibus interesse debent, quosq; idem præ-
decessor noster in suis indictionis & aliis quibuscūq;
desuper confectis & publicatis literis, Concilio inter-
esse voluit: per viscera misericordiæ Domini Nostri
IESV CHRISTI hortamur, requirimus, & mone-
mus, vt proximis futuris Kalendis Maii (quem diem
ad ipsum Concilium in eo, in quo nunc reperitur staz-
tu, resumendum & prosequendum, præuia matura de
liberatione, & ex certa nostra scientia, & de Apostoli-
cæ auctoritatis plenitudine, ac Venerabilium fratrum
nostrorum eiusdem Sanctæ Romanæ Ecclesiæ Cardis-
nalem consilio & assensu, statuimus, decernimus, &
declaramus) in ipsa Ciuitate Tridenti, legitimo cessan-
te impedimento, cōuenire, & se congregare, ac ipsius

Conciliū continuationi & prosecutioni, omni mora
postposita, incumbere velint. Nos enim operam sedu
lo daturi sumus, vt eodem tempore, in eadem Ciuita
te nostri omnino adsint Legati, per quos, si per ætatē
nostram, valetudinēq; & Sedis Apostolicæ necessi
tates, personaliter adesse nequiuimus, Spīritus sancto
duce, ipsi Concilio præsidebimus: quacūq; ipsius Cō
ciliū translatione & suspensione, cæterisq; contrariis
non obstantibus quibuscūq; ac præsertim illis quæ
idem prædecessor noster in suis literis prædictis, quas
cum omnibus & singulis in eis contentis clausulis &
decretis, in suo robore permanere volumus atq; decer
nimus, & quatenus opus sit innouamus: voluit non
obstare. Irritum nihilominus decernentes & inane, si
secus super his à quoquam quauis auctoritate scienter
vel ignoranter cōtigerit attentari. Nulli ergo omni
no hominū liceat hanc paginam nostrorum hortat
ionis, requisitionis, monitionis, statuti, declaratio
nis, innouationis, voluntatis, & decretorum infringe
re, vel ei ausu temerario contraire. Si quis autem hoc
attentare præsumperit, indignationem omnipotētis
Dei, ac Beatorum Petri & Pauli Apostolorum eius, se
nouerit incursum. Datum Romæ apud sanctum
Petrum, Anno incarnationis Dominicæ Millesimo
Quingentesimo Quinquagesimo, Decimo octauo Kⁱ.
Decembris. Pontificatus Nostri Anno Primo.

M. Card. Crescen.

Rom. Amasæus.

R. de Saint Marfal.

ANNO à natiuitate Domini Millesimo Quingentesi

mo, Quinquagesimo Primo, Indictione nona, die vero prima mensis Ianuarii, Pontificatus S. in Christo Patris & D. N. Dñi Iulii diuina prouidentia Papæ III. Anno eius Primo. Retroscriptæ literæ, alta & intelligibili voce, lectæ fuerunt in Basilica sancti Petri de vrbe, dum ibidem de mane diuina celebrabant, & populi multitudo ad diuina audienda conuenerat, per me Ioannem Roillard, præfati Sanctissimi Dñi nostri Papæ Cursores, & deinde affixæ in valuis ipsius Basilicæ p me eundem Ioannem, & Maturinum Menandi Cursores, & affixas per aliquod temporis spatium stare permisimus, & deinde amouimus, copiam earundem cū originali auscultatam affixam dimittendo.

EIS DEM Anno, Indictione, & Pontificatu, ac die quibus supra: supradictæ literæ lectæ fuerunt alta & intelligibili voce in Basilica Sancti Ioannis Lateranen. hora vespere, dum ibidem populi multitudo ad diuina audien. conuenerat, per me eundem Ioannem Roillard Cursores, & deinde valuis dictæ Basilicæ, affixæ p nos eundem Ioannem Roillard, & Maturinum Menandi præfati Sanctissimi Dñi Nri Papæ Cursores, & sic affixas per aliquod temporis spatium stare permisimus deinde amouimus, copiam cum originali auscultatam ibidem affigendo & dimittendo.

Ita est. Ioannes Roillard Cursor subscripsi.

Ita est. Maturinus Menandi Cursor subscripsi.

Ita est. Medardus Nicolai Cursor subscripsi.

Adrianus de Cuppis Magister Curforum subscripsi.

Registrata apud Romulum Secretarium.

IVLIVS PAPA III.

AD Futuram Rei memoriam. Superioribus diebus de venerabilium fratrum nostrorum. S. R. E. Card. consilio, ex causis tunc expressis, Apostolica auctoritate decreuimus, quod sacrum ecumenicum vniuersale Concilium, Tridentum ubi olim inceptum fuerat, reduci, & ibi adiuuante Domino terminari deberet, tempusque ad illud resumendum & proseguendum, kl. Maii proxime futuri prefiximus, omnesque & singulos quomodo libet in eo interesse debentes hortati fuimus & monuimus, ut dicto tempore Tridenti esse vellent: prout in nostris sub plumbo desuper expeditis literis plenius continetur. Ne autem propterea quod dictae litterae nondum publicatae fuerunt, aliqui ignorantiam rei villo modo pretextare possint, sed omnes plenam illius notitiam habeant, dicta auctoritate per presentes ordinamus, quod tam praedictae, quam praesentes litterae per aliquem ex nostris Cursoribus in Basilicis sancti Petri de Vrbe & sancti Ioannis Lateranensem, dum inibi diuina celebrantur, publice, ac alta & intelligibili voce legantur: & postquam lectae fuerint, valuis ipsarum basilicarum affigantur: & inibi aliquandiu dimittantur, & relicta postea illarum copia, amoueantur. Decernentes publicationem sic faciendam, omnes & singulos ipsius Concilii celebrationi quomodolibet interesse debentes perinde arctare, ac si eis personaliter intimatae fuissent: quodque ipsarum litterarum transumptis, etiam impressis, manu alicuius Notarii subscriptis, ac sigillo

personę in dignitate Ecclesiastica constitutę munitis,
eadem prorsus fides adhibeatur, quę ipsis originalibus
adhiberetur. Ac hortantes, & in Domino requir-
rentes omnes & singulos venerabiles fratres nostros,
Patriarchas, & Archiepiscopos, ad quos ipsarum lite-
rarum exempla impressa transmitti curabimus, vt pro
suo officio & debito, id eorum suffraganeis, & aliis mi-
noribus Prælatibus & abbatibus notificent. Contrariis
non obstantibus quibuscunq;. Datum Romę apud
sanctum Petrum sub Anulo Piscatoris, Die. xxvii.
Decēbris. M. D. LI. Pōtificatus Nři Anno Primo.

Gal. Aquinas.

Anno a Natiuitate Domini Millesimo Quingentesi-
mo Quinquagesimo primo, Indictione Nona, die uero
prima Mensis Ianuarii, Pōtificatus Sanctissimi in Chri-
sto Patris & Domini nostri Dñi I V L I I diuina prou-
dentia Papę. I I I. anno eius primo. Retroscriptę li-
terę, alta & intelligibili voce, lectę fuerunt in Basili-
ca sancti Petri de Vrbe, dum ibidem de mane diuina
celebrabantur, & populi multitudo ad diuina audicn-
conuenerat, per me Ioannē Roillard, præfati Sanctis-
simi domini nostri Papę Cursorem, & deinde affixę in
valuīs ipsius Basilicę per me eundem Ioannem, & Ma-
turinū Menandi, prælibati Dñi nostri Papę Cursores
& sic affixas per aliquod temporis spatium stare permi-
simus, & deinde amouimus: Copiam earundem cum
originali auscultatam dictis valuīs affigendo & dimit-
tendo.

Eisdem Anno, Indictione, die, mense, & Pontificatu

quibus supra, eedem retroscriptæ literæ similiter lectæ
fuerunt, & publicatæ in Basilica sancti Ioannis Latera
neñ. dum ibidem hora Vesperorum diuina celebrabā
tur, & populī multitudo ad diuina audienda cōuene
rat, per me Ioannem Roillard præfati Sanctissimi Do
mini nostri Papæ Cursorem, & deinde affixæ in valuis
ipsius Basilicæ per me eundem Ioannē Roillard & Ma
turinū Menandī, prælibatī Domini nostri Papæ Curs
sores, & sic affixas per aliquod temporis spatium stare
permisimus, & deinde amouimus: Copiam earundē
cum originale auscultatam ibidem affigendo & dimit
tendo.


Ita est. Ioannes Roillard Cursor subscripsi.


Ita est. Maturinus Menandī Cursor subscripsi.


Ita est. Medardus Nicolai Cursor subscripsi.


Adrianus de Cuppis Magister Cursorū subscripsi.


Romæ apud Ant. Bladum Impressorem Cameralem.














C322

STJ /

BX

830

1545

A45

1551

Howard AFC

